

地 260.139
32
:3

潛

江

縣

志

卷之五

學校志

卷之六

饗祀志
上

潛江縣志卷之五



知縣事劉 煥纂修

邑人朱載震編著

門人劉連俊校正

學校志

廟制 附書院

建國君民教學為先師儒者先聖人俎豆所世守也人才於是焉出唐柳宗元曰仲尼之道與王化遠邇

國家右文崇儒郡邑無遠邇小巨靡不立學校明禮教者潛江亦文獻舊區學宮隨縣遷徙以來君師教養之地代有崇葺矣學校之興廢教化之弛張守令攸繫焉

潛江縣志

卷五 學校志

一

今廟貌固儼然也苟庠序弗修而徒嚴廟祀觀几筵而念羹牆豈先王廣厲學宮之義哉記曰君子欲化民成俗其必由學乎爰考歷代褒贈

先聖先師之首末及學宮初始更新之規模詳其事而紀述之備往制錄賢勞俾職司知所重也矧乃棠蔭多名德鄉士大夫之賢沒而與祀於廟守先待後是皆教之大者學廡射圃遺址具在書院所以勤講肄社學義學所謂始基也附書於左作學校志

廟制

名位 周敬王四十二年魯哀公誅孔子曰尼父
按丘濬曰此後世追謚孔子之始蓋孔子儒教之宗
師所謂爲天地立心爲生民立命爲往聖繼絕學爲
萬世開太平者也自哀公誅之之後後世帝王屢加
褒崇尊其人所以尊其道也

漢平帝元始元年追謚孔子曰褒成宣尼父東漢和
帝永元四年封孔子曰褒尊侯北魏孝文帝太和十
六年改謚大聖尼父後周宣帝大象二年封孔子爲
鄒國公隋文帝開皇元年贈孔子爲先師尼父唐高

潛江縣志

卷五

學校志
廟制

二

祖贈孔子爲太師改先師配享周公高祖武德時以
周公爲先聖南面坐孔子爲先師西牖坐太宗貞觀
二年從房玄齡議別祀周公陞孔子爲先聖坐仍舊
十一年尊孔子爲宣父高宗顯慶二年復尊孔子爲
先聖乾封元年追贈孔子爲太師周武后天授元年
封孔子爲隆道公開元二十七年追謚孔子爲文宣
王次年始正南面
丘濬曰文宣之謚始此亦孔子封王之始宋真宗大中
祥符元年加謚孔子爲宣聖文宣王五年改封爲至
聖文宣王元成宗大德十一年加封孔子爲大成至

聖文宣王游太和洪武三年罷封孔子為大成至聖
文宣王世宗嘉靖九年詔改稱為至聖先師孔子
國朝因之為不易之典焉

按有若曰自生民以來未有盛於夫子者也豈一言
一行之善可以節惠立論也哉書曰作之君作之師
君師一體尊無二也唯曰至聖先師以見聖人所以
為萬世尊崇者不在乎爵位名稱而於君師並尊之
道斯得矣

先師木主 明嘉靖九年從禮官議撤孔子塑像改制

潛江縣志

卷五 學校志

三

木主為至聖先師高三尺三寸七分濶四寸厚七分
其座高四寸長七寸厚三寸四分朱地金書

四配主高一尺五寸濶三寸二分厚五分赤地黑

書 按魏廢帝正始
七年始定配享

復聖顏子 唐高宗總章元年贈太子少師睿宗太極
元年加贈太子太師開元二十七年加贈文國公元
文宗至順二年加贈復聖文國公明嘉靖九年改稱
復聖顏子今因之

宗聖曾子 唐高宗總章元年贈太子少保睿宗太極

元年加贈太子太保開元八年以曾子大季特塑像於十哲之次開元二十七年加贈邾伯宋徽宗政和三年贈武城侯度宗咸淳三年加封邾國公祀享孔廟元文宗至順二年加贈宗聖邾國公明嘉靖九年改稱宗聖曾子今因之

述聖子思子 宋徽宗崇寧元年封沂侯度宗咸淳三年加封沂國公與曾子同配享元文宗至順二年再加贈述聖沂國公明嘉靖九年改稱述聖子思子今因之

潛江縣志

卷五

學校志
廟制

四

亞聖孟子 宋神宗元豐七年詔封鄒公配享次於顏子徽宗大觀三年加贈鄒國公元文宗至順二年加贈亞聖鄒國公明嘉靖九年改稱亞聖孟子今因之
十哲主高一尺四寸濶二寸六分厚五分赤地墨

書

閔子 字子騫

唐開元二十七年贈費侯宋貞宗大中

祥符二年加封瑯琊公度宗咸淳三年改封費公明改稱先賢閔子今因之

冉子 字伯牛

唐開元二十七年贈鄆侯宋真宗大中

祥符二年加封東平公度宗咸淳三年改封鄆公明
改稱先賢冉子今因之

冉子

字仲弓

唐開元二十七年贈薛侯宋真宗大中

祥符二年加封下邳公度宗咸淳二年改封薛公明
改稱先賢冉子今因之

宰子

字子我

唐開元二十七年贈齊侯宋真宗大中

祥符二年加封臨淄公度宗咸淳三年改封齊公明
改稱先賢宰子今因之

端木子

字子貢

唐開元二十七年贈黎侯宋真宗大

潛江縣志

卷五

學校志
廟制

五

中祥符二年加封黎陽公度宗咸淳三年改封黎公
明改稱先賢端木子今因之

冉子

字子有

唐開元二十七年贈徐侯宋真宗大中

祥符二年加封彭城公度宗咸淳三年改封徐公明
改稱先賢冉子今因之

仲子

字子路

唐開元二十七年贈衛侯宋真宗大中

祥符二年加封河內公度宗咸淳三年改封衛公明
改稱先賢仲子今因之

言子

字子游

唐開元二十七年贈齊侯宋真宗大中

祥符二年加封丹陽公度宗咸淳二年改封吳公明
改稱先賢言子今因之

卜子 字子夏

唐開元二十七年贈魏侯宋真宗大中

祥符二年加封河東公度宗咸淳三年改封魏公明
改稱先賢卜子今因之

顓孫子 字子張

唐開元二十七年贈陳伯宋真宗大

中祥符二年加封宛丘侯徽宗政和三年改封潁川
侯居東廡之首度宗咸淳三年加封陳公陞十哲位
明改稱先賢顓孫子今因之

潛江縣志

卷五 學校志

六

兩廡主高一尺四寸濶二寸六分厚五分赤地墨
書其座俱高二寸六分長四寸厚二寸有差

先賢

澹臺滅明

字子羽武城人

宓不齊

字子賤魯人

原憲

字子思宋人

公冶長

字子長齊人

南宮适

字子容魯人

高柴

字子羔齊人

漆雕開

字子若蔡人

樊須

字子遲齊人

司馬耕

字子牛宋人

公西赤

字子華魯人

有若

字子若魯人

琴牢

字子開衛人

申枏

字子續

陳亢

字子禽陳人

巫

馬施

字子期陳人

梁鱣

字叔魚

公皙哀

字季次齊人

商瞿

字子木魯人

冉季

字子產魯人

公孫龍

字子石楚人

漆雕哆

字子斂魯人

秦商

字子下

丕魯

漆雕徒父

字子期魯人

顏高

字子秀魯人

壤駟赤

字子徒秦人

任不齊字子選楚人石作蜀字子明成紀人公良孺字子正陳人公夏

首字子乘魯人公肩定字子牛魯人后處字子里齊人鄒單字子家魯人奚容

箴字子皙魯人罕父黑字子魯人顏祖字子魯人榮旂字子魯人

秦祖字子南魯人左人郢一作左郢字魯人句井疆字子孟衛人鄭

國字子徒宋人公祖句茲字子魯人原亢字子魯人縣成字子魯人

人廉潔字子庸衛人燕彼字子思魯人叔仲會字子魯人顏之僕字子

叔魯邽選字子魯人樂欬字子秦人公西與如字子魯人狄

黑字子魯人孔忠字子魯人公西箴字子魯人步叔乘字子車齊

人施之常字子魯人秦非字子魯人顏噲字子魯人

潛江縣志

卷五

學校志

七

先儒 左丘明公羊高穀梁赤伏勝高堂生孔安國毛

萇董仲舒后蒼杜子春王通韓愈胡瑗周敦頤程顥

歐陽修邵雍張載司馬光程頤楊時胡安國朱熹張

栻陸九淵呂祖謙蔡沈真德秀許衡今增薛瑄王守

仁陳獻章胡居仁共九十人

按家語弟子解凡七十六人史記仲尼弟子列傳凡

七十七人漢文翁石室圖凡七十二人以家語視史

記其同者凡七十三人共異者家語多公伯寮秦冉

鄒單顏何四人以家語視石室圖其同者凡六十四

人其異者家語多公西與魯原亢公肩公夏首句
井疆邾邈縣成八人石室圖多籛瑗秦冉林放奚容
箴四人以史記視石圖其同者凡六十七人其異者
史記多公伯也公夏首公肩定鄒單勾井疆縣成原
亢堯邾邈公西與如九人石室圖多琴牢陳亢籛瑗
秦冉林放奚容箴五人夫三書相公不過數百年間而異
尚已若此故考而識之

崇祀 漢高帝十二年過潁以大牢祀孔子明帝令郡
縣通祀孔子於學山但潁和泗水牛羊詔春秋享祀

潛江縣志

卷之八

八

孔子木衣帶有衣後魏文帝勅有司行薦享禮
北齊顯祖帝釋奠於先聖隋文皇制國子
寺每歲四仲月釋奠州縣學則春秋二仲月唐太宗
貞觀二十二年始以外州縣守令主祭玄宗開元二
十八年詔祭孔子以春秋二仲月上丁日宋真宗頒
諸州縣釋奠儀注圖仁宗詔釋奠用登歌徽宗更撰
釋奠樂章明太祖洪武四年更定釋奠孔子祭器禮
物孔子之祀像設高座而器物陳於座下弗稱其像
其來已久至是定儼各爲高案其豆籩簠簋悉代以

典樂二奏舞六佾樂章仍舊

迎神

人涉宣聖道德尊崇維持王化斯民是宗奠帛自

民來諱底其盛惟王聖功度越前聖初獻大哉聖

帛具成禮容斯稱黍稷非馨幣神之聽王實天

生德作樂以崇時祀無斁清醑惟亞獻終獻百王宗

馨嘉牲孔碩薦羞神明庶幾昭格撤饌犧象在前豆

物軌瞻之洋洋神具寧止酌彼金撤饌犧象在前豆

疊惟清且旨登獻十三於嘻成禮送神望瘞有歲學宮四

以祀既芬且潔禮成樂備人送神望瘞方來宗恪恭

和神悅祭則受福率遵無越馭還服明禮斯畢咸膺百福

立學 漢武帝命天下郡國皆立學校明帝永平二年

命郡縣行鄉飲禮於學校靈帝光和元年置鴻門都

潛江縣志 卷五 學校志 十

學宋真宗大中祥符二年就闕里文宣王廟立學高

宗紹興間令府州縣置學明太祖洪武十五年詔郡

縣學徧天下賜學糧增師生膳

本朝順治初詔郡縣修學其興崇學校文化翔洽振古

為昭矣

謁廟 漢高帝十二年詔諸侯王卿相至郡先謁廟後
從政北齊制日朔祭酒至諸生階下拜聖郡學如之
宋高宗紹興十四年勅州縣文臣到官詣學謁聖方
許視事寧宗嘉泰中詔武臣一體謁廟

聖贊 唐睿宗太極元年御製贊一章章八句宋太祖
建隆三年御製贊一章章八句真宗太中祥符二年
御製贊一章章十二句徽宗宣和四年御製贊一章
章十二句高宗紹興十四年御製贊一章章十二句
理宗紹定三年御製贊一章章八句明太祖洪武二
十六年御製贊一章章四句贊曰德配天地道冠古
今刪述六經垂憲萬世今釋奠用之

今上康熙二十三年甲子冬

聖駕東巡

潛江縣志

卷五 學校志

十一

幸闕里有

御製詩古檜賦二十四年乙丑

御書萬世師表四大字頒行天下製匾懸大成殿中

潛江儒學在城內東北隅元世祖至元三十年癸巳隨
縣遷建於今縣治之東前校官楊磬濱創始仁宗延
祐六年己未知縣阮伯顏建禮殿兩廡繪

先聖像元末燬於兵

元校官李惟中記 荊州古名郡其邑有七潛治獨
濱湖澤間隄防衝決民罹水厄屢矣至元癸巳之春

學隨邑遷教官蔡清場公實率創之至今日阮公伯顏被命來宰是邑歲滿之日慨然歎曰學校雖設而宮牆廟貌之弗稱區爾與歟于是謀諸同僚復請于分按僉懸納刺及李廷球乃率縉紳之士相助金穀再新斯宮己未秋昇之堦基鳩工輸木不旬月而禮殿落成越明年春又命上改爲夫子先聖神像四配十哲廣以兩廡給素宮牆煥然一新而又選弟子員入學肄業復增聘學山樵令師坐可以繼守既工畢用牲率僚屬而祀於是邑之士民請書其事于石用

潛江縣志

卷五 學校志

三

敢紀其時而書焉延祐庚申孟春月十有五日

明洪武初知縣史純一創建殿廡齋堂景泰三年荊州

府推官符節向知縣李堅重建時縣尚屬荊州成化十六年

知縣胡璘重建弘治十三年知縣史華重建大成殿

基地加舊高三尺廣七尺棟梁楹柱俱更大木重簷

覆甍飾以黝堊丹漆金碧龍鳳堂陛階級甃以磚石

丹墀左右列植松柏制度宏偉門徑垣墉皆一新之

嘉靖初改大成殿爲先師殿六年知縣蕭廷達建三

十一年知縣夏泗再建

祭酒鄒守益記 昔在洙泗之上祖述憲章上律下
襲其敦化川流直與千聖同堂而兩儀並位然舉趾
發軔實自志學始志學者志不踰矩之學也所求乎
于天然之矩也能以事父則不踰矣所求乎臣天然
之矩也能以事君則不踰矣故庸德必信庸言必謹
一毫不敢放過至於相顧而慥慥則禮儀三百威儀
三千質鬼神俟後聖舉幽明古今而無二矩世之學
者記誦詞藻儼然宗孔氏矣飾輪轅資羔雉以徵爵
位甚者遺親後君偃規而改錯將孰從而新之我高

潛江縣志

卷五 學校志

三

皇帝之訓曰學者將聖言體而行之敦尚孝悌廉耻
庶得真才而大猗之論承天拳拳盡孝訓子撫幼敬
長之間宛然洙泗模範也雲龍風虎聲協氣應部使
者至於郡邑翕然鼓舞翕然勸相頌宮縣縣邊豆有
楚咨爾多士洗濯舊習其果忘食忘憂以不踰矩爲
志乎其果事上使下從前先後絜斯矩以御家邦乎
古今真妄毫釐千里正辨志第一義也爾雅有言漢
出爲潛蟠冢微涓瀦龍淵會峽石沛然以朝宗于海
其闡然而日章平潢潦暴注奔放四出幾若雲夢不

旋踵而涸繼之是爲的然日亾而已矣繼自今師嚴其訓士厲其業官稽其課俛然請事忠信之學不失義不離道俾稽休運者曰邦舊命新壽考作人式與周室比隆於新宮永永有光幸慎無負
萬曆七年知縣朱鳳洽重修

邑人袁國臣記 吾潛舊有學前令夏侯嘗修之越茲垂三十年廼殿廼廡廼堂廼舍胥日就圯且也櫺星門耳垣向隳以土每夏秋暴雨則傾傾則汲豎浣媪直趨泮池徹也甚矣明山朱侯以甲戌上第來令

潛江縣志

卷五

學校志

古

爰謁廟重歎感焉時方議清田稅創城守未之有暇然尤不敢以爲緩圖廼捐俸約費得金若干因謀之邑薦紳郭古岡氏又欣欣出資佐創費侯遂諏日庀材首文廟次櫺星門次明倫堂次兩廡兩齋外及坊牌咸更其腐朽新之復隳門垣以甃甃泮池以石國臣適以使事過禮門學博黎君屬言爲記記曰嗟乎世之顯者孰非起家黌序顧一縮綬立民上率旦夕簿書對期會是憂視俎豆直如土苴奚問章縫侯獨雅意殷殷是邦人士之幸也國臣不佞請因侯之修

學漫申夫士所以自修者夫國家治安托重乎人材
學也者所以養士而待用者也士方髫髻時其父若兄
遣就外傅稍稍談藝有司則拔而置之學舍所以養
之也其平居讀孔孟書質之師辯之友發之爲文辭
固以爲制科之應要之砥節礪行策勛建名斤斤焉
冀之異日者若操質券而責以償也今海內人文甚
盛或卑卑者糾纏佔俾以綺靡相高藉爲賈譽干進
之資邦之無當於任使家之無重于鄉評若而人者
國家亦何所賴而養之吾潛故號多賢其文行往往

潛江縣志

卷五

學校志
廟制

五

有聞惟卽所爲文而日敦勉於實行使國家坐收養
士之效他日觀宮牆而興思者曰潛之學某侯所嘗
修者也潛之士某侯程督而興起者也不惟士得侯
爲有成而侯之功尤得士爲不泯詎不謂兩相遭歟
余也齒髮種種無一足稱於世竊願士欲酬遇于侯
則勉于自修不容已已國臣不佞謹與多士共勉之
以酬侯云

萬曆十一年水圯知縣王建中重修

國初漸圯康熙十九年知縣韓可興謁文廟生員郭于

岸謝煥楊昌張先瑞周郊吳善彥謝熿劉脩等以重修大成殿請公灑任捐修自三月迄六月工將竣旋值大水入城漂蕩殆盡公仍命于岸等督工更葺明年正月廟乃告成

兩廡 在大成殿前東西各七楹成化十六年知縣胡璘建康熙四年水入城圯教諭馮雲傅重修

前中戟門三楹成化十三年五月為猛風摧裂縣丞李鏞教諭曾愷訓導葉善捐俸重建

按宋太祖建隆二年詔廟門準儀立戟十六枚徽宗

潛江縣志

卷五

學校志

六

政和元年增立三十四戟

名宦詞 在戟門左萬曆元年知縣李之珍建祀名宦九人 又奉檄入祀者二人

明

史純一 江縣人 洪武元年任

史華 知縣渭南人 弘治十四年任

敖鉞 知縣高安人 舉人 嘉靖元年任

周延 知縣吉水人 進士 嘉靖三年任

任良幹 教諭桂林人 舉人 嘉靖九年任

周洪範 知縣漢州人 進士 嘉靖九年任

朱熙洽 知縣崑山人 進士 萬曆三年任

徐熙 知縣南昌人 舉人 天啓元年任

國朝

韓國璽

知縣在平人舉
順治二年任

督學副使蔣永修

江南宜興人丁亥進士康熙十七
年督學全楚公明惇大文教聿興

允稱人

師焉

湖北巡撫都御史楊素蘊

陝西宜君人壬辰進士擊
吳逆於未萌定夏賊之猝

變康熙二十六年由安徽巡撫調補湖北時值旱
荒公疏請緩徵發賑楚北諸郡邑咸尸祝之

按名宦入祀者惟德惟功繫思乎民以永食於有廟

敖公鉞周公延開河請蠲朱公熙洽清田繕城潛百

世利也其他築防修學貞廉慈惠諸賢侯之遺皆使

潛人嘗不能忘者若王公又且承貪殘顛頽之後丁

潛江縣志

卷五 學校志
廟制

七

軍役水患之餘潔已寧人均田賦興學校禁協夫實

綏我邦善政於今稱之功德寧諸公下哉顧祠祀闕

然捍患禦災之謂何此典亟宜修舉以慰輿情俟采

風焉

鄉賢祠 在戟門右萬曆元年知縣李之珍建祀鄉賢

凡二十二人

朱

畢漸 紹聖元年狀元膳部
員外郎知荆南府事

明

李宗信 貢士交趾按察使前御史

初 杲 進士雲南參政前御史

袁允行 舉人鉛山知縣

張師載 進士巡撫浙江都御史

胡 鑰 進士廣東參議前御史

隗 滋 貢士名山教諭贈工部員外郎

劉 勳 舉人工部員外河東鹽運同知

劉 垓 進士雲南督學僉事

袁國臣 進士山東參政吏禮刑科給事

歐陽栢 進士雲南副使前吏戶刑科給事

郭之幹 舉人慶遠知府

歐陽東白 舉人德慶知州贈刑部郎中

歐陽 鳳 進士太僕寺少卿

柴 恪 進士兵部職方司主事贈尚寶寺丞

朱宗望 貢士江安知縣以播功晉四品封刑部員外郎

吳從誠 舉人雲南參政

劉道隆 進士通政司右通政前吏兵刑科給事

郭之藩 貢士永安知縣

潛江縣志

卷五 學校志

六

何薦可 進士廣東道監察御史

國朝

劉若金 進士刑部尚書前閩廣軍門

劉肇國 進士翰林院教習庶吉士掌院學士

按禮有祭鄉先生於社之文謂其節行足以師表後

進賢竊薄俗者固在鄉國之所祀於以列侍聖門乃

其所宜夫豈相飾以貌相緣以故相欺以所不可見

而因攸徵以幾於謫且竊乎是故君子之於斯必難

日慎焉萬之其人尚矣後賢蔚起立仁義之道著孝

弟之行雖布衣之士傑然樹立昭令譽於天下後世

而終未與於斯典果簪紱限之與至若直方文學之
通儒致命遂志之忠烈清白勿泰於作吏端慤夙重
於鄉邦落落諸賢允堪俎豆者而采風有待寧無闕
然

神廚神庫在兩廡北庫房在兩廡南正統間縣丞李鏞
建康熙四年水入城盡圯

內泮池在戟門前萬曆四年知縣朱熙洽加石甃

致齋所三楹在池東萬曆十八年知縣潘之祥建康熙
四年水入城盡圯

潛江縣志

卷五

學校志
廟制

七

邑人柴恪記。今危冠方領綬巾詳觀彬彬稱章縫
士以及釋褐而通籍人者列鼎鉉次者縮銅墨詎非
孔氏之徒與國家稽古建學崇儒重道國有學鄉有
校所司以時典祀事俎豆孔嘉牲牲肥膾歌雍舞象
而進之則爲之徒者女媧不慎重其事顧規制堂宇
潤色弗備往往憚更始以俟夫來者又復俟焉大都
繭絲急則簠簋爲繼斯會先則登降爲後執爵捧幣
不過以春秋舉行一舉而已而博士弟子員亦遂泥
羹塵飯以爲戲初不識柴燎爲何物駁奔爲何事此

俗之漸久矣。何所以比閭族黨之民家絃戶誦風
易俗移曉然策于仁義道德之途乎也。侯潘公以進
士高第來宰吾邑。神明憐憫。節百廢。具粟而尤加意。黌
序蓋計侯之途也。始五閏月而塗墜丹堊之役。漸以
改觀。宮則屹如廡。則翼如芹。香于泮。鯉集于堂。禮樂
其有興乎。而侯又謂饗祀之先宜有內舍。以便齋沐。
乃復葺堂三楹于學宮之側。而屬不佞爲之記。嘻。吾
始見侯之才。今乃見侯之心矣。治莫大于禮。禮莫重
于祭。祭莫先于敬。敬莫嚴于心。心者何。精白是也。東

鄰殺牛不如西鄰之滄。祭滄祭誠。薄而精。自在則心
在也。凡侯之簪弁而入。執瓚而灌者。無以異于人。而
洞乎其敬。屬乎其敬。享在于物。先志存乎禮。始登斯
堂也。履斯室也。束帶矜莊。端冕從事。羹牆筵几。如或
見之。所謂過宮闕則嚴畏之心。生觀高壤則欣喜之
情。集也。黍稷非馨。明德惟馨。彼弁髦者。勿論矣。卽以
春秋舉行故事。旅進旅退。取辦文具者。視侯顧何如
哉。夫幽明異境。而理同入神。異趣而感同。以此崇師
卽以此報主。以此歆神。卽以此範俗。率是道也。侯安

進而不善耶昔文翁以文學治蜀蜀人化之比于齊魯今攷其政固督責詳而于潤色明禮之義猶未違也侯于是加文翁一等矣至于役不妨民財不損下良法美意未暇更僕數記其大者侯名之祥宇伯和別號泰符新都婺源人

櫺星門 在戟門前成化十三年教諭曾愷重修嘉靖

四十三年署縣教授周宸易以石柱

外屏 在櫺星門前萬曆二十六年知縣曹珩重修康熙

熙十一年知縣王又旦重修屏內柵欄王又旦重修

潛江縣志

卷五 學校志

三

泮池 在屏外萬曆二十六年知縣曹珩重修石欄周

圍百丈

邑人郭之翰記 昔思樂頌信環橋侈漢竊惟此益

世事也故人心嚮慕如是不佞嘗觀父老傳邑侯夏

公興學眾口膾炙迄今緌杖鼎盛題功焉然則人心

何日不三代之耶頃也侯曹佩廷父母嘉與青衿凡學

舍齋無緒三印新而又宛意所流真百年盛舉哉學

博賀君心洲仰峯朱君為儀高宇朱君紳書菴孫君

應雷君心洲仰峯朱君為儀高宇朱君紳書菴孫君

淮意十池也者往往憚規畫懃繁費又不其然時日
盛之若侯蒞音邑已長子孫壽策種種目無全牛而
各中一以故一建置上弗格而下樂趣卽今所造池
意何周哉堅口而欄重其防也洪源必濬澄其本也
淤莽必除尚其潔也眾流滙之大其蓄也池向袤延
凡六十五丈有奇縱橫疊石總二千四百餘丈周環
規制各井井有餘經始于丁酉六月告竣于冬其費
則富道步修六十金邑縉紳子弟員樂輸者倍之邑
侯捐俸新井設措者又倍之工成不日人士咸欣詩

潛江縣志

卷五 學校志

五

曰無小無大從公于邁其今日耶學博三先生曰觀
已具是可紀郭子進曰是池也豈直美觀視已哉邇
惟興學如文翁于蜀常袞于闕陳公襄于毗陵非不
盛創造然史載蜀一化也以文雅聞之化也以風俗
毗陵之化也以經義似不知區區創造者今侯加
意啣成必有所以變化之士者防耶本耶耶蓄耶
顧晚近學者輕名檢防斯潰矣畧身心源斯矣嗜
聲華節斯污矣侈矜誇蓄斯洩矣自脩功厲其謂池
曰故今日所急務遵經禮義以關出入之防講究身

心以濬眾動之源敦循樸素以堅純自之守博收廣
取以曠意蓄之衷防固則氣不外源淡則用不匱本
潔則流必清蓄厚則施必博如是文雅以馴風俗以
粹經義以醇斯學也質之聖賢無愧見之經濟有用
思皇多士美不勝書誰不知之自修泮以來人文孔張
固如是哉猶之巨鯉活潑長為神龍一旦乘雲沛雨
觀者謂是從天池中來也然之勿何啻曩昔之頌夏
侯卽周漢所稱燕雀多讓焉故泮成而爲之記

康熙四年水入城石欄傾廢三十九年水侵於民間康熙

泮江縣志

卷五

學校志

三

二十七年安曉前丞鄭公潤中請縣事見道路僭狹
泮水穢濁檄教諭劉在和訓導宋一俊同紳士秉冊
清釐爰復舊址於屏外築高垣爲左右翼車馬往來
咸迂道於泮池外康熙三十一年劉侯煥復疏泮池
重修石欄於外屏左右建墜下馬禁牌廟貌一肅焉
儒學門 在櫺星門之東成化間知縣周相重建
大魁閣 在儒學門內東南康熙二十六年教諭劉在
和訓導宋一俊生員李誥喬業有聲同闈縣紳士各
捐資重建

道義門 在儒學門內其外有魁字牆萬曆七年知縣朱熙洽建康熙四年水圯

明倫堂 在大成殿後高二丈五尺深三丈廣五丈凡三間隆慶六年知縣梁棟以生徒日衆左一右一墻一間堂前而牆內橫石有隨處體認天理六大字爲邑人袁國臣草書

存心齋 在明倫堂東

養性齋 在明倫堂西俱天順八年僉事沈靖建弘治十三年知縣史華重修爲水圯今廢

潛江縣志

卷五 學校志

五

會講堂

舊名會談堂在明倫堂西成化間改今名久廢

文昌祠

在學門左弘治間知縣史華建康熙四年水

入城地教諭馬雲傳重修

敬一亭

在明倫堂後嘉靖六年知縣蕭廷遠建有明

世宗御製碑

啓聖祠

在敬一亭後嘉靖十年辛卯創建

名位

宋真宗大中祥符元年追封叔梁紇爲齊國公

元武宗元年封叔梁紇爲啓聖王明世宗嘉靖九年

改封叔梁紇爲啓聖公孔氏 三獻禮俱同聖廟惟

無舞生合舞及飲福受胙

配享 先賢顏氏 曾氏 孔氏 孟孫氏

從祀 先儒程氏 朱氏 蔡氏 周氏

按洪邁謂顏子之父路曾子之父點乃在廡下從祀之列子處父上神靈有知何以自安所謂子雖齊聖不先父食也嘉靖中別祀啓聖公配以先賢顏無繇氏曾子皙氏孔伯魚氏孟孫宜氏先儒程珦朱松蔡元定從祀萬曆二十三年八月周輔成從祀

尊經閣 在啓聖祠後明萬曆三十二年甲辰安陸府

潛江縣志

卷五 學校志

三

推官署縣事李天培創

翰林編修石首曾可前記 今天下郡邑皆有學學

之有尊經閣者十而七也潛江楚巖邑介于鍾祥爲

肅皇帝龍飛地人材彬彬盛矣學獨無尊經閣甲辰

冬司理李君來署邑篆政以次第舉間周視黌序距

其北意若未愜者曰是不當有閣耶詢之縉紳大夫

博士弟子僉曰宜顧其後廼掌博宅奈何司理石曰

司徙乎問得射圃隙地乃議徙宅以建閣遂捐俸金

以倡而又謀之李封翁集同儕度土石甃木之需邑

孝廉諸生率同志佐之已而郡守李公新君曾公各
佐之封翁曰可矣卽不足者請獨任乃涓辰鳩工屬
耆儒李君秉仁主出內大學生蔣君化董其役于是
掌博之宅徙計日基就閣成基高六尺袤十之環甃
以磚閣高二丈五尺袤之其基前東西牆高丈二尺
中甃石爲角爲階累七級一崇臺飛甃峙于玄武之
方不獨鬻序生色卽一邑形勝若爲增壯云封翁介
邑孝廉方君登郭君之祐屬余爲記余謂經之尊存
乎其人何必閣然閣有不可廢者高皇帝稽古定制

潛江縣志

卷五

學校志

三

以經學爲一海內士非此不得進而自隆萬以來文
教衍溢醇醜之極變爲齷詭唾拾諸子膚剽二氏險
覓冥慘熱心炫異而視六經蔑如也高皇之訓士曰
六經布帛菽粟也士不處此無以知理道洋洋聖謨
有淡慮矣夫經者常也布帛衣之常卽有火浣弗貴
矣菽粟食之常卽有麟脯鼎貴矣乃士厭常而趨異
若江河不返謂叛經何今年春南宮大比士禮臣議
一大創之請一切語不典則者黜報曰可于是計偕
之士乃有格于禁不獲竟試者天子宗經範士之心

甚盛而闕之成遺遺其時然則是役也體上指端士
趨所關宏鉅已哉余生於楚習知楚士生情往往氣
銳而才穎與之為勢絕則決裂繩墨不後于海內而
與之為窮經亦能窺其奧而抉其微自此潛江士絃
且誦于閣考仰而觀類而察必其遵制軌道不然革
趨異之習人材益倍疇昔則諸君子之功宏遠矣司
理君名天培陽江人為余甲辰闈中所得士郡守今
觀察李公名仙品高陵人新令曾公名可立豐城人
李封翁名鳴茂午以書經魁吾鄉為少叅皞之父邑

潛江縣志

卷五

學校志

七

人

學署 舊在尊經閣址萬曆三十二年移建於明倫堂
東北隅教諭廨一所訓導廨二所俱康熙十二年崩
圯於水今亟議擇地修建

明初詔置教諭一人訓導二人齋夫六人膳夫四人
門子二人學書一人洪武十五年令縣學二十人給
廩膳仍免差徭二十直德中增廣員數如正額不給
廩膳為增廣生正統十二年復選俊秀附學肄業為
附學生

國朝初置教諭一員訓導一員生員無定額後奉
旨裁訓導一員歲科並一考大縣生員十五名復奉
旨大縣止五名今奉

旨復訓導一員科歲兩考大縣生員每考各十五名武
生員無定額

號舍 東西各五久廢知縣夏泗曾會射於此東爲民
居卽今學梁北康熙十一年崩一千三百四十餘弓
於河

射圃 在號舍前成化十三年知縣胡璘重建置有射
潛江縣志 卷五 廟制 三

具弘治十年十月爲猛風所摧十一年知縣史華重
修今俱廢亟議在

學基 文廟一形東抵察院司西抵預備倉各一百一

十三弓南抵泮池北抵城各三十八弓四尺計丈量

地一十八畝八釐八毫三絲 泮池一形東二十七

弓西二十七弓南北各二十七弓計丈量地二畝七

分五釐六毫三絲康熙十二年水啣城圯知縣王又

旦修築北城移尊經閣於啓聖祠後截閣基於城外

學廨基亦爲新城址

學田

學田 紅花垸田三十畝明隆慶三年知縣梁棟置

邊江垸田三十三畝萬曆二十八年知縣潘之祥置

邑民陳輔卿佃種今崩入河 道仁垸黃漢下耳垸

田共一百二十畝零邑人劉垓買捐取租以給寒士

長嶺垸田四十畝 紅花垸田六十畝邑民朱希

顏捐 鄉林垸 太平垸共田一百畝取租給文廟

相禮生 鄉林垸田四百七十畝康熙二十七年安

陸府丞鄭公潤中攝縣事查有鄉林垸張祚沛絕石

潛江縣志

卷五

學校志

无

逃田四百七十畝傳諭闔學生員張先瑞等具領送

學除完賦外餘租備 聖宮修葺之費

康熙三十一年三月內

臬憲王詳 院看語云其送墾之地原係張先瑞等
公領仍付張先瑞管業辦糧所餘花利修葺文廟可
也奉

督 撫批允有案

學稌 明嘉靖六年知縣蕭廷達見河水衝學之左召

居民沿河築室環繞學宮量徵租以給生儒學藉民

以衛民藉地以居民無租苦學有租利其惠溥矣固

未嘗覈數于縣令而上計于督學也隆慶三年貢士

謝嘉會具呈督學顏鯨遂檄縣查前租知縣梁棟丈

增租銀六十四兩零以半給學費半聽督學支給彼
年學縣公議酌令將學費爲教諭立水夫一名拿夫
一名出門挑夫一名共給工食十五兩其餘作本學
旗匾周濟等費康熙四年教諭馮雲傳查租節年崩
塌入河前官減租已少十兩康熙九年知縣王又旦
清丈弓口冊在縣康熙十一年崩塌入河今成潭水
者一千三百四十餘弓其租所存無幾矣 又北城
內外學宮隙地招佃取租永作膏火之資亦康熙三
十一年有案

潛江縣志

卷五

學校志

三

社學 一在縣西河街一在縣城內大關廟前明成化
十五年知縣胡璘創今俱廢亟宜修建

義學 設無定所亟議創建

書院

石橋書院 在縣治西龍洲市元泰定間學士林士淵
建久廢

學訓葉善詩 昔人有志紹先賢構得藏修屋數椽
煖席春風懸絳帳寒燈夜雨對青編事同嶽麓千年
著名並世山萬古傳今日題詩追舊跡餘光還耀石

橋邊

白鶴書院 元湖北提刑副使姚燧建今城隍廟其舊址也

按姚燧許衡弟子衡字仲平河內人幼有異質七歲入學授章句問其師曰讀書何爲師曰取科第耳曰如斯而已乎師大奇之稍長遭世亂既逃難沮嶽山始得易王輔嗣說衡夜思晝誦不稍懈後從柳城姚樞得伊洛程氏及新安朱氏書尋居蘇門曰與樞及竇默相師友甲寅世祖出王秦中以姚樞爲勸農使

潛江縣志

卷五

學校志
書院

三

召衡爲京兆提學秦人新脫于兵欲學無師聞衡來莫不喜中統元年世祖卽皇帝位召衡至京師時王文統以言利進爲平章政事見衡與樞並入侍患之乃奏以樞等三人爲太子師保傅陽爲尊用而實不使數侍左右也將入謝衡曰禮師傅于太子位東西鄉師傅坐太子乃坐公等度能行此乎若不能則師道從我廢也樞以爲然乃相與力辭改命樞爲大司農默翰林侍講學士衡國子祭酒未幾衡亦謝病復歸河內至元六年命與太常卿徐世隆定朝儀儀成

帝臨觀之甚悅又召與太保劉秉忠定官制八年以爲集賢大學士兼國子祭酒親爲擇蒙古弟子俾教之衡聞命喜曰此吾事也乃請徵其弟子王梓耶律有尚姚燧劉安中等十二人爲伴讀十年權臣屢毀漢法諸生廩食或不繼衡請還帝以問翰林學士王磐磐對曰衡教人有法諸生行皆可使從政此國之大體宜勿聽王磐氣槩一世少所與可見衡獨曰先生神明也衡卒謚文正詔從祀孔子廟庭後姚燧官至湖北提刑副使解官卜築于潛建藏書樓日讀書

潛江縣志

卷五

學校志
書院

三

其中有白鶴巢于上遂以名樓今城隍廟址臺屹然外臨池水石橋間之鄉人從父老言至今呼白鶴臺云

教授孔克學詩 集賢辭老向南州萬卷圖書百尺

樓何處飛來雙白鶴結巢相與訪林丘

訓導葉善詩 誰扁書樓作鶴樓幽棲却有鶴同儔

聞琴影舞朱簾月警露聲傳玉簫秋常喜五車充鄴

架不思萬貫到揚州而今一去緱山遠無處登臨爲

訪求

陽春書院 在縣西門外明萬曆元年知縣李之珍建
今廢

同仁書院 在縣治西邑督學僉事劉垓建今廢

都御史安福鄒元標記 督學劉達可氏吉郡人也

其尊人朝列公寓潛遂居潛自滇魁惟以明道爲事
捐俸闢館時集同志顏曰同仁且學且教屢有書文
江之濱屬鄒子爲記鄒子蓋嘗與達可同官爽鳩氏
以學相勗誼不可辭謹爲之記曰昔夫子設教多術
矣有言孝者有言性者有言敬者其說不同獨言仁

潛江縣志

卷五 學校志

三

之旨不一而是後世儒者遂以夫子之學惟仁爲宗
至宋儒輩出口識仁曰體仁曰求仁皆兢兢遵洙泗
遺矩而不敢悖尺寸不知夫子所謂仁者欲人自得
其本心耳苟得本心侔六合通萬古千聖之心皆我
之心仁不必言不得其心曰識曰體曰求未免以已
合彼去仁之旨愈遠達可其旨在斯乎以我之仁同
于人是分所有與之不知人自有也以人之仁同于
我是分人所有以與我不知我固有之也以愛之理
爲同仁愛仁之一端也以萬物一體爲同仁世借一

體之說而卑論儕俗者不少也然則將何說之歸夫
子曰仁者人也識仁即人人即仁則海以內海以外
千百世之上千百世之下無智愚無賢否無貴賤惡
乎同惡乎不同其說嘗辨于易與書矣易之同人曰
于野亨利涉大川利君子貞于野者無咎畔援空洞
無涯之謂也君子者正也故曰惟君子爲能通天下
之志至同于門于宗于郊而一曰无咎一曰吝一曰
志未得則以其有域也書曰無有作好遵王之道無
有作惡遵王之路無偏無黨王道蕩蕩無黨無偏王

道平平無反無側王道正直非知仁者不足以語此
蓋必如是而後可語同仁之旨登斯堂者門耶宗耶
郊耶作好作惡耶偏耶黨耶反側耶可惕然思矣楚
故有嶽麓石鼓諸院有先賢之遺蹟在焉予將次第
訪之而及同仁謹書膚見勒之碑陰以當請事

禮部主事安福劉元卿記

丙申之夏予臥病山中

年友督學劉君自潛江以書抵予曰予本安福人也
習父師之教夢寐復古復具之間而不得以身遊輒
于僑寓創同仁書院其前爲廳事後爲義倉又後爲

堂堂之後有池羣同志曰某其中子蓋爲我記之予
曰予未識仁安所得仁人之言而稱之雖然予嘗聞
之矣夫求仁爲學之主謂也而同仁則所以求仁者
也然有方焉此其說在立達之章矣子貢求仁者也
而未得其方故求之博施濟衆博施濟衆堯舜之所
同仁也而非孔子之所所以同仁也夫欲立則思立人
欲達則思達人此人之本心也吾如是人之本心則
不可近譬而得之乎故立一人則人不立者人將
立之矣達一人則人未達者斯人將達之矣以一

人施天下則知力甚勞而其施不得不竭此堯舜所
以病天下立達天下則操術甚逸而其濟不得不博
此孔子所以不病之者賢乎不病者矣乎斯罕我所
以獨高孔子也而要之孔子之所獨賢誠得其同仁
之術之巧者耳孟子之贊孔子曰智譬則巧其淡知
孔子者乎蓋昔者信夷用力于清則至于清下惠用
力于和則至于和清也和也然而未仁也伊尹近乎
仁矣然而爲仁之術尚倚于施濟故必就湯說之乃
可以拯民自伐夏之外未有仁天下之者也夫至于

伊尹非不可言同仁然能以一人同仁非能使眾人自同故孟子但曰伊尹樂堯舜之道而已蓋至是益知孔子之爲巧孔子之巧于求仁能使人自爲同而已今天下譚學者誰不言同仁哉然試問以孔子爲仁之方則莫不茫然矣仁必博濟則孔子抑何所施乎而不知孔子之立人達人其施皆有大焉由求公西赤猶然博濟之術也而曾點見趣乃獨在舞雩三三兩兩之間是以孔子喟然與之其微意可識矣奈之何二三子囿于孔子教學之中而默契其術者鮮

也爲仁之方之言隱然以其術傳之子貢而子貢卒亦莫悟第曰夫子如天之不可升如日月之不可踰而不知夫子之不可及正在操術之簡易耳嗟乎向微孔子則孔子之術之巧孰能寓一自乎元不佞何能智及孔子之術然嘗朝夕耿先生得聞其說竊歎孔子之不遇豈獨七十二國之君相卽七十二子之中自顏淵而下莫之能識也莫知我也夫誠傷之矣予今故因記同仁書院而著其說如此潛上日遊書院之中尚亦究竟此義使孔子同仁之術大明于後

世庶幾立達無窮大傳不盡不負吾劉君所爲創書院之本意斯其爲同仁也不亦大歎

中洲書院 在大關廟街東邑人郭世朝建內有椿桂堂環翠亭講經所大本達道齋

都御史趙鉞詩并引 五經自漢武表章之後一時學者先後輩出說詩者多至數百家至紫陽先生詮註之後漢說盡廢豈千百年以後之聞見獨得其真於千百年之上耶呂東萊云註詩而詩亾知心之語何可多得不得與中洲先生互相辯說臨書慨然

潛江縣志 卷五 學校志

三七

五經羽翼漢儒多疑異千年幾勘磨爲問經生傳誦日可曾重訂宋儒譌 講經所 亭中幽人悟道蚤六義

終朝恣尋討至今飛翠撲簾來堦下遍生書帶草 環

翠亭 竇氏山前古樹奇何年移向楚江湄綠陰滿地

書連屋不見匡公來說詩 椿桂堂 大本達道本無功

只在吾人喜怒中要向自身尋位育好從齋裏問申公 大本達道齋

傳經書院 在前西街康熙十年辛亥知縣王又旦建內爲傳經堂堂左爲說詩臺右爲操縵軒後爲藏書

樓樓東西爲文場

知縣王又旦傳經書院約 潛之書院見于舊乘者
四曰陽春日石橋曰白鶴曰同仁今皆廢故老莫能
識遺址夫潛爲江陵地宋始建縣洎至今未百年而
講習之地多于隣邑亦足以見此邦人士之好學也
地處汙下隄屢決罹大浸士有逃水者多館他郡余
至潛按其所學大率喜浮名鮮實效思所以移之乃
建傳經書院于市南門四楹南向入門西拆爲傳經
堂堂後東西屋爲文場北有樓可貯書堂之東偏曰

潛江縣志

卷五

學校志
書院

三

說詩臺臺東有隙地可爲圃堂之西曰操縵軒設琴
瑟祝敵于是選辰開講使諸子各以所業進其大要
尚實行緇詐僞究經之義反其所喜而導其所可安
夫當其可曰時不凌節曰孫余于古人之訓固未能
逮也而竊有志耳申七約

其一課期約 凡課文用月中甲日及期諸生侍門
外俟令至升堂然後立階下揖聽名乃進授卷畢則
趨而入三伐鼓乃坐課文二篇畢一揖退

其二講期約 凡講期以四仲月春秋用上丁日先

期隨令宿于廟次早盛服行釋奠禮畢乃詣書院凡講前十日擇經明行修者一人爲之主至期中坐餘皆侍東上爲縣令次廣文次佐貳西上爲縉紳以齒序諸生以次就坐三伐鼓檢姓名册隨意出諸生五人各講經一章問難析義俱聽主者畢乃退夏冬用二至出諸生五人各講四書一章畢乃退餘如春秋例

其三先志約 官先事士先志昔賢懿行簡策不乏當各就質分擬一二古人以爲程如其志雖葛帔練

裙有所不棄非其志雖聯騎鳴鐘有所不取

其四辨非士約 服儒者服粗知文字不察其行未可便命曰士與人相疾誓相質首東郊之雞也誦訾奇詆捷捷便便莠言蠹政江中之短狐也干求無厭俛首帖耳分一葉之影冀數滴之泉山莊之餘態也初習聲律掇拾遺藻託言風雅以造公庭市門之駟儉也有一于此者非士非士者勿入吾門

其五明戒約 茲堂之興以行不以言以實不以名以靜不以躁以公不以私以言者如無當之卮雖寶

非用以名者如秋林之槁葉行將實之以躁者如駕
無纏牽不能致遠立見其覆以私者如投步羽淵欲
觀日月而覩青天故申明昔人學規之九損示士之
有志于學者九損此昵狎玩鄙也黨同伐異僻也假
公行私賊也或評有司長短或議鄙非
曲直或訴自巳不平浮也或談曖昧及瑣屑怪誕妄
也文過飾非不思速改怙也揚人之惡悻也問答之
間或阻抑或執辨滿也人是人
非道聽塗說畧不及求莽也

其六治詩約 漢魏以來諸家之詩古詩之裔也方
其寄懷託興高出太虛之表深入不測之淵有境必
窮有感斯通覺性情之外別無長物治行之餘所當

潛江縣志

卷五 學校志

四

吟誦此入德之門也且博依固古人所不棄也

其七習樂約 古樂失傳器亦殘缺人以全學之無

攻也因金棄之夫羅縠綈錦不以缺一而不衣黍稷
稻粱不以缺一而不食獨于樂則疑之知養身而不

知治情抑何謬耶夫戴逵之琴導德宣情傅玄之箏
推故引新馬融之笛通靈感物謝仁祖琵琶有天際
真人想王褒洞簫使貪饜者聽之而廉隅昔賢有工
一器以自資者願與志士共勉之康熙十年歲辛亥

八月二十五日

邑人向大觀引 農不有畔乎不十千耦乎工不州
萃處乎不肆成事乎彼其庾廩謀目巧營也且若是
大千人而俊小百人而又其自爲之所孰與比詹詹
者如之何衍言笑則羣居敬正業則潔去也書同文
字日所當灑然振變者君侯王公來治我土之四年
綱目張舉政清民和其明年

天子當出知貢舉大比士于鄉侯雅志經學謂綴文之
士思以文章寵其身顯聞于當世必經義修明博物
洽聞通達古今乃可補世用議築傳經書院于孔衢

潛江縣志

卷五

學校志
書院

望

效漢時儒者選高才生時時受學其地邑人士蒸蒸
起將無治易精天人如王輔嗣妙年蚤器于何吏部
尚書者治孔壁上蝌蚪古文將無官遷太傅受詔撰
論說不爲章句破碎如夏侯勝者將無弱冠誦左氏
傳及五經本文綜貫其義天子勅蘭臺給筆札使作
頌又詔令撰齊魯韓詩與毛氏同異並作周官解故
及他古文異同如漢衛士令賈逵者惟胥宇之墨未
食卒後之藝未興脫大令之俸錢無以召土司空無
以召土司徒殷殷更番計之大觀等僉以議上曰

修之士咸得模範于一方而人師亦易覲矣邑治書院有四石橋陽春白鶴同仁惟同仁尚存廢址殘碑餘俱古蹟莫考康熙辛亥歲邠陽王公又旦捐俸創建傳經書院于南城內後西街院門三間中爲傳經堂堂左爲說詩臺築基高一丈上翼以亭秋可邀月冬可眺雪也堂右爲操縵軒基稍遜左亭亦如之設琴瑟祝啟于中用以導和也堂後爲文昌閣上祀帝君併藏經史若干卷明主敬也閣東西號房各七爲諸生月課處唱名受卷師嚴然後道尊也課期以

潛江縣志

卷五

學校志
書院

三

中甲期科名也說書以釋奠之次日崇聖道也說經以二至重專經也臯比擇夙儒敦實行也由是後生小子始知有聖賢薪傳而于帖括之文無取也閣前古柏一株老桂一株俱蔭十丈許綴天香勵晚節也院基爲黌士朱載震之舊宅故喬木鬱葱也